

Dignitatem atq; honorem nati declarare. Canon VI.



Ignitas principalis elicitur ex dispositione Solis, qui si fortis fuerit, puta in ascendente uel medio cœli in suis dignitatibus, aut eius dispositus fuerit in angulo & dignitate, natus ad magnā dignitatem perueniet, secundū mensuram genituræ. Quòd si contrariū reperies, cōtrarium dicito. Itē si Sol à pluribus & iisdem matutinalibus planetis fuerit circumdatus, & ipsi circumdantes fortes extiterint, natus magnā dignitatē habebit. Præterea aspice medium cœli & eius dominū, an dominus ascendētis illos aspiciat bono aspectu. Si em̄ dominus ascēdentis fuerit in medio cœli aut in ascēdente, natus habebit dignitatem, & Principū amicitiam, magistratus & officia. Quòd si dominus mediū cœli fuerit alienus à domino ascendētis, & male dispositus reperitur, dic natus nullam futurā dignitatē. Et in hoc aduertas, quòd dispositio mediū cœli & domini eius, est debilior dispositione Solis. Quare si Sol circumdatur à bonis planetis, etiā medio cœli et domino eius male dispositis, promittas audacter dignitatē et honores, sed nō cū tanta facilitate, nec tā magnas. Nā quo plures fuerint cōstellationes cōsentientes, eò magis multiplicabūtur effectus. Præterea cōsidera etiā stellas, præsertim eas, quæ fuerint primæ aut secūdæ magnitudinis, & quæ paruā latitudinē ab ecliptica habuerint, nā dant maximas dignitates & honores, & tales, quas nunq̄ quisquā existimasset, etiam si natus sit obscuro genere ortus. Nā si stella fixa fuerit in ascendente, aut decima, aut septima, aut cū Sole de die, siue cū Luna de nocte, aut cū parte fortunæ, quia in his locis maximā habet influentiam, etiā si in cuspide aliarū domorū inueneris stellā fixam, dic accidens futurū esse illius naturæ, cuius fuerit influentia domus illius. Verbi gratia: Si reperiatu r stella fixa in quinta domo, natus habebit pulchros filios, nobiles, bene fortunatos, & qui diu uiuent. Et sic de alijs.

Mors nati, an ferro, igne, aqua, ruina, suspendio, nece, incursum ferarum, aut ægritudine fiat, edocere. Canon VII.



Cōsidera hos significatores, infortunas, angulos, luminaria, octauam & dominū eius. Si em̄ infortunæ fuerint potētes in angulis, & aspexerint luminare temporis, aut ambo luminaria malo aspectu, erit mors mala. Idem dic si fuerint in octaua, aut in malo aspectu ascendētis. Genus mortis cognoscitur à significatore malo, & à loco in quo fuerit, & à signo in quo moratur, & à commixtione cum alijs, & à disposito. Nam si plura fuerint testimonia Martis, ferro, igne, aut trūcatione, aut membrorū laceratione, aut casu, malā mortem pronuntiabis, secundū quod Martis dispositio uidebitur magis ad unā, quā alteram se conuertere. Verbi gratia: Si in humano signo extiterit, ab homine occidetur: si in igneo, conuulsione: si in terreo, ruina aut casu, & sic de alijs. Si uero in testimonio Saturni fuerit, hæc mala mors, erit strangulatione, suspendio, aut ueneno, in locis secretis, aut in carcere, aut submersione, secundum naturam & commixtionem Saturni. Nam si in decima fuerit, & fuerint cum eo male mortis significatores, in alto loco, uel ex alto morietur, puta suspendio, maxime cum fuerit in signo aërio. Si uero in quarta, & in signo aqueo fuerit, in aquis uitam finiet. Tamen aspice in hoc etiam regulas Ptolemæi & aliorum, quæ hic ob breuitatem obmittuntur. Tempus igitur in quo talis mors expectetur, erit, cum Hylech dirigitur ad prædicta loca infortunata, uel quando continget aliqua pessima reuolutio, quæ similis esset natiuitati, & Hylech esset in termino illius infortunæ. Quòd si effectualiter non sequeretur illa mors mala, foret tamen eo anno in maximo illius malæ mortis periculo, quemadmodum his contingit, qui submerguntur & tandem euadunt. Et sicut illi, qui damnantur morte publica, & tamen postea fit eis gratia. Si autem fortunæ